

雷公病性解

藥性解原序

即景賢原本天本出縣士

余讀仲景之敘醫輒爲之掩卷蓋其感
生死之芒忽篤君父之危殆賤名利之
浮榮冀年壽以沒世傷哉其言焉得不
原本藥性加意候診者乎三皇御宇太
昊首畫八卦開萬世道術之祖而神農

徧嘗百味黃帝著爲素問迹其鼎足揚
化醫之用居多今攷本經所載草木鳥
獸等類則乾木果震萑葦坤子母牛兌
羊艮狗之說酸醎有五味之別青黃有
五色之分則坎水離火震木兌金坤土
之說定浮沉明燥溼則本天本地親上

親下之說立君臣分佐使則君一民二
之說有畏有喜有惡有反則吉凶利害
之說有補有瀉有正治有從治則變通
趨時之說無非大易之源流八卦之分
布聖人所以順風氣而防天札者端不
越此自太史公著扁倉論以爲美好者

不祥之器而儒者又好自張大置醫於
九流之中欲如皇子之論當心東里之
辯六氣文摯止疾於齊王枚乘霍然於
太子豈可得哉余以少孤不及搽藥以
進慈父間爲母氏嘗之退而攷諸方書
多所不合斯用痛心乃于讀書之暇發

本經仙經暨十四家本草四子等書靡
不悉究然後辨陰陽之所屬五行之所
宜著藥性解二卷敢謂拯危濟殆於是
焉賴特以志余之悲爲人子事親之一
助爾且夫甘旨以養之溫靖以奉之而
卒罹夫不可療之灾欲代則不能欲遍

訪而證諸人則不及此人子終天之恨
仲景民傷之余所不辭而爲之縷析者
也若夫素問一書軒岐之精蘊在焉亦
欲訂其同異而折衷之期於剖微而止
敬以異日公之同好雲間李中梓撰

雷公炮製藥性解目錄卷之一

金石部 三十三種

金銀箔

黃丹

胡粉

銅青

鐵漿

附鐵絨

水銀

輕粉

銀硃

蜜陀僧

丹砂

鍾乳

礬石

禹餘糧

硝石七種

滑石

石膏

青鹽

食鹽

雄黃

紫石英

赤石脂

寒水石

花蘂石

陽起石

蓬砂

膽礬

青礬石

無名異

玉屑

自然銅

石鷲

磁石

硫黃

果部 十八種

陳皮

核葉肉附

青皮

枳殼

枳實

杏仁

肉附

大棗

桃仁

花毛虫葉實附

烏梅

藕

皮節蓮子蓮鬚尚葉花蒂附

枇杷葉

實附

山楂

水梨

柿

柿乾附

芡實

胡桃
龍眼
橄欖核中附仁

穀部 十一種

麥牙
神麴
酒
醋
飴糖
胡麻子

白扁豆豆花豆葉附
芝蔴
豆鼓
菜豆

卷之二 草部 四十二種

人參
黃芪
甘草
當歸
川芎
山藥

白朮
蒼朮
芍藥赤白二種
生地
熟地
知母

貝母
黃芩
黃連
大黃
花粉仁與附
桔梗

半夏
紫蘇
白芷
防風
獨活
羌活

柴胡
前胡
香附
麻黃
葛根
麥門冬

天門冬
五味子
升麻
藁本
細辛
連翹

澤瀉
玄胡索
地榆
防已
常山
草龍胆

卷之三 草部中 五十四種

玄參 丹參 苦參 紅參 三稜 蓬莪茂

天麻赤箭附 南星 秦艽 遠志小草附 破故紙 葫蘆巴

何首烏二種 骨碎補 威靈仙 牛膝二種 黃精 蒲黃

續斷 益母 肉蓯蓉 鎖陽 車前子 紫菀

百部 百合 款冬花 馬兜鈴 青黛 甘菊

薏苡仁 牡丹皮 兔絲子 茴香大小二種 砂仁 白豆蔻

肉豆蔻 草豆蔻 草果 菖蒲 黑附子 天雄

烏豆 烏啄 側子 射干 旋覆花 大戟

商陸 葶藶甜苦二種 牽牛黑白二種 草薺 木通 通草

卷之四 草部下 五十四種

燈心 石斛 石葦 白蒺藜 青箱子 木賊草

茅根 仙茅 鬱金 姜黃 牛蒡子 紫草

白頭翁 白前 白薇 白附 蚤休 白蘚皮

蘆薈 胡黃連 澤蘭 狗脊 青蒿 葶撥

王不留行 淫羊藿 巴戟 蘭葉 冰萍 決明草

車麻子 馬鞭草 蘆根 蛇床子 金銀花 山豆根

艾葉 薄荷 稀莖 蒲公英 夏枯草 藿香

荆芥 香薷 佛耳草 蒼耳 茵陳 使君子

高良姜 石蓮子 合歡皮 萱草根 劉寄奴 覆盆子

卷之五 木部 五十七種

茯苓 赤白二種 茯神呵 琥珀 松香 子花葉木 節附

桂 分爲四種 槐實 枝皮膠 花附 木香 山梔 吳茱萸

山茱萸 蔓荆子 杜仲 烏藥 厚朴 黃栢

桑白皮 枝堪奇 生附

檳榔 大腹皮

沉香 乳香

天竺黃 金櫻子

蕪荑 五加皮

密蒙花 辛夷

牙皂 皂角 刺附 巴豆

血竭 茶茗

卷之六 白菜部 十種

生薑 乾薑

葱白 冬葵子

向杞子 種二 地骨皮

丁香 冰片

沒藥 木瓜

訶梨勒 隨風子附

楮實 樹汁附 秦皮

蕤仁 女貞實

金鈴子 紫葳

阿魏 乾漆

菘菹 附子

白芥子

白冬瓜

酸棗 二 益智

猪苓 蘇木

竹葉 苦竹竹瀝 竹茹附

郁李仁

樗白皮 椿白

五倍子 百藥箭附

雷丸 鈎藤

楓香 蜀椒

韭根子

胡荽 附子

人部 十種

乳汁

金汁種二

屎蛆

入溺

秋石

月水

髮種三

紫河車

天靈蓋

死人枕

禽獸部十八種

黑嘴白鴨鴨頭

烏骨雞

雄雀

伏翼

龍骨附齒

虎骨

犀角

羚羊角

牛黃

麝香

阿膠

鹿茸鹿角麋角

熊胆

臙臙臍

狗肉陰莖血附

牛肉牛乳腦角

猪肉四蹄臟腸腎附

虫魚部二十六種

蜂蜜附蠟

牡蠣

珍珠

石決明

龜甲龜尿敗龜板

蝮甲附肉

蕪蛇

白花蛇

蝦蟇附防蟬

蝎子

五靈脂

蜈蚣

蝸牛

白殭蚕附雄

蟬蛻

刺蝟皮

土螿虫

蜚蠊

班猫

穿山甲

鯽魚附子

鯉魚
胆血附腸

烏賊骨

鰻鱺魚
附骨
鱈魚
附血

蚌
瓜附

雷公炮製藥性解卷之一

雲間李仲梓仕材編輯

吳門王子接晉三重訂

金石部

金銀箔味辛性平有毒入心肺二經主安心神定驚悸鎮顛狂除邪熱

按金銀之入肺部固其類也其性沉重能制火臟之輕揚故亦入心經過服必中其毒以鷓鴣肉解之

黃丹味辛性微寒有毒不載經絡主吐逆顛狂止痛生肌

按黃丹乃熬鉛所作鉛本水中之金最能制火吐狂等症何者非火而有不廖者乎

胡粉味辛性寒无毒不載經絡主一切癰腫諸毒及腐爛肉煞

三虫破癥結

按胡粉一名粉錫實亦化鉛所作能破結煞虫者其亦鎮墜之功與

銅青味苦澇性平有微毒不載經絡主斂金瘡淘眼暗止血煞虫能去腐肉

按銅青卽銅綠本醋沃銅上而得其精華醋能收斂故斂瘡止血其去腐肉者亦醋之功眼乃肝竅眼之不明肝之病也得金之精以制木而目之暗者從此明矣

鐵漿味甘澇性平无毒入心肺二經主顛癩狂亂解諸毒入腹蛇犬咬傷鎮心神明眼目堪洗膝瘡隨手而愈○鐵銹油調之可敷惡瘡瘡疥蒜磨傳蜘蛛咬傷

按鐵漿卽浸鐵色青可染皂者質本金也宜歸肺部性木沉

也宜鎮心家明目治漆皆由伐木之功。鐵鏽可較瘡毒亦

以發在外者有散之義歟。取金白漆甘水煎用。

水銀味辛性寒有毒不載經絡主疹癩痂瘍白禿皮膚殺虫蝨

墮胎絕孕解金銀銅錫毒鎔化還復為丹服之神仙不死畏磁

石比霜

按水銀療虫疹等症良由其毒也。又殺五金毒者蓋以其性

陰柔能消五金為泥耳。入耳能食腦至盡入肉令百節攣縮

倒陰絕陽性滑重極易入肉最宜謹之。能下死胎可灌屍骸

內傳極言其煉服之功。然後世食之者往往喪生可為妄信

者戒

雷公云凡草中取者并朱漆中者俱不可用。經別藥制過者

勿用。曾斂遇死屍及半生半死者勿用。若在硃砂中
產出者其水銀色欲紅收得後用葫蘆盛之免致遺失。若先
以紫背天葵并夜交藥自然汁二味同煮一伏時其毒自退

若修十兩止用煎二味汁
各七鎰和合煮足爲度

輕粉味辛性寒有毒不載經絡主通大腸轉胞諸瘡虫癬小兒
疳積輕明可愛燒火上走者真

按輕粉卽水銀所昇者本草言其无毒誤也外利需爲要藥
但勿輕用服食今見瘰癧方中多用之必能損人腸胃不可
不戒其值頗貴市中多燒凝水石及石膏爲粉以亂真須細
辨之

銀硃味苦辛性温有毒止入敷藥殺虫餘无他用

按銀硃亦水銀燒就中其毒者令人發脹至死可弗慎耶

蜜陀僧味鹹辛性平有毒不載經絡主皮膚斑點五痔金瘡嗽
嘔吐痰禁瘧痢鎮心驚體重如金色者佳水飛用

按蜜陀僧一名沒多僧質極重過服傷人臟

雷公云

凡使搗令細於藥壩中安置了用重紙袋盛柳木未於壩陀僧壩中次下東流水浸令滿着火煮一伏時

足去柳木紙袋取壩陀僧用

丹砂味甘生者微寒无毒煉者大熱有毒入心經主鎮心安神

益氣明目通血脉除煩滿止消渴療百病殺精崇鬼邪祛疥癬

虫瘡久服成仙畏碱水大如雞卵形似芙蓉破之若雲母光明

照徹者佳

按丹砂之色属丙丁火心臟之所由歸也質性沉滯勿宜多

用青霞子云入石見火悉成灰燼丹砂伏火化爲黃銀能重

能輕能神能靈能黑能白能暗能明大清真外入石內含

金精先稟氣干甲受氣干丙出胎見壬結魄成庚增光歸戊

陰陽升降各本其原考茲二說則服食成仙之說信矣自唐

世太平日久膏梁之家弗得其理感千方士都致殞身習俗

成風至今未已斯民何辜蒙此慘禍其理淵奧察之實難吾

願好事者慎之

雷公云凡使宜須細認取諸般皆有百等不可一一論之有

陰氣天雨即鏡面上有紅漿汁出有梅栢砂如梅子許大夜

有神座照見一室有白庭砂如普堤子許大上面有小星現

有光生照經丹竈限之面白延年具次有白金砂澄水砂

陰成砂辰錦砂芙蓉砂鏡面砂箭鏃砂曹未砂土砂金星砂

平而砂神水砂不可一細迷也凡修事殊砂先于一淨

室內焚香齋沐然後取砂以香水浴拭乾即碎搗之後向鉢

中更研三伏時竟取一錢子着了砂子內用甘草紫皆天

盡關失時候約去三分次入青芝草山鬚草牛兩益之下十

斤火煨從巳至子時方歇候冷再研似粉如要服則人熬蜜

丸如細麻子許大空腹眼一丸如要入葉中用則依此法凡

煨自然炭火五兩砂用甘草二兩紫背天葵一鑑五方草

白然汁二鑑同

東流水煮過

鍾乳味甘性温有毒人肺腎二經主泄精寒嗽壯元氣益陽事

安五臟通百節利九竅下乳汁亦能通聲光潤輕鬆色如煉硝

石者佳久研忌歇須用水飛以擦臂上入肉不見為度蛇床為使惡牡丹玄石牡蒙畏紫石英蕤草忌羊血

按鍾乳性温而狀有下行之義宜入腎經肺即其母也故并入之諸家水草述其功者甚眾惟丹溪以為慄悍之劑不宜

輕用不煉而服使人病淋

雷公云

凡使勿用頭龕厚并尾大者為孔公石不是色黑及經大火驚過并久在地上收者曾經藥物制者並不

得用須要鮮明薄而有光潤者以鷲翎筒子為上有長五六寸者凡修事法以五香水煮過一伏時然後漉出又別用甘草紫背天葵汁漬再煮一伏時凡鍾乳入兩用沉香零香甘松白茅各一兩以水先煮過一度子第三度方用甘草等三味各二兩再煮了鹿出哉乾緩火焙之然後入杵白如粉篩過却人鉢中合有方少壯者兩三人不仕研三日夜勿歇然後用木飛淨了以絹籠之於日中晒令乾又入鉢中研二萬遍後以養合收貯用之

礬石

味酸性寒無毒入肺肝二經主寒熱洩痢白沃陰蝕諸惡

瘡癬清喉痺除目痛祛固熱禁泄瀉收脫肛同皂莢可吐風痰

石部

和蜜蠟能消癰瘻光明如水晶者佳甘草為使惡牡蠣畏麻黃

按礬石西方之色宜入肺家東方之味宜入肝部肺肝得令

而寒熱諸症可无虞矣然亦收斂之劑弗宜驟用

雷公云凡使須以養瓶盛干火中煨令內外通赤用鉗揭起

出放冷敲碎入鉢中研如粉後干屋下掘一坑可深五寸却

以紙裏留坑中一宿取出再研每修事十兩用石蜂窠干兩

盡為度又云凡使要光明如水晶酸醜澀味全者研如粉干

各一鑑旋添白凡干中火逼令藥汁乾用蓋了并餅日夏

以泥泥上下用火一百斤煨從已至未去火取白礬餅出故

搗細研如粉方用之

禹餘糧味甘性寒无毒不載經絡主咳逆寒熱煩滿崩中血閉

癥瘕骨節疼痛四肢不仁大熱痔瘻牡丹杜仲為使畏貝母葛蒲鍊器

按禹餘糧因禹行山中乏食採此克糧故以名之則其無毒可知矣太乙餘糧本是一種今諸家往往分別惟陳藏器所言者近是

硝石味苦辛性大寒有毒人心脾二經主六腑積聚燥急留血閉藏天行疫痢傷寒發狂停痰作痞腸風痔漏推陳致新解諸石藥毒種種實熱悉可瀉除能墮胎孕大黃爲使惡苦參苦菜女苑畏麥句薑

按硝石爲太陰之精宜入心家瀉火而脾卽其子也故并入之丹溪云本經言其無毒悞也能化七十二種豈無毒而然乎分爲七種氣味相同俱善消化歐逐但朴硝力緊芒硝馬牙硝力緩硝石風化硝石明粉緩而又緩也以之治病病退卽已本經稱其煉服補益豈理也耶經云熱淫于內治以鹹

寒佐以苦寒古方因之故都用大黃佐芒硝耳

雷公云凡使先研如粉以磁瓶子于五斤火中煨今通赤用雞腸菜栝子仁和作一處分九如小帝砾子許待餅

子赤時投硝石于瓶子內其硝石自然伏火每四兩硝石用雞腸菜栝子仁共十五個砾子盡為度

滑石味甘淡性寒无毒入胃膀胱二經主利水道實太腸化食

毒行積滯逐凝血解燥渴導乳汁補脾胃降妄火白膩而无黃

砂者佳甘草石葦為使惡曾青

按滑石甘宜於中州淡宜於利水胃與膀胱之所由人也利

益雖多終是走泄之劑无甘草以和之弗宜獨用也

雷公云凡使有多般勿悞用之有白滑石綠滑石烏滑石冷滑石黃滑石其白滑石如方解石色白于石上畫有

白膩文便得綠滑石性寒有毒不入藥中用烏滑石似黑色

畫石上有青白膩文入用妙也黃滑石似金顆圓畫石土

亦有青及黑色者勿用殺人冷滑石青蒼色畫石上作白膩文亦勿用若滑石色似水白青色畫石有膩文者真●凡使先以刀刮研如粉以牡丹皮同煮一伏時出去牡丹皮取滑石却用東流水淘過于日中晒乾方用

石膏味辛甘性寒無毒入肺胃三經主出汗解肌緩脾益氣生津止渴清胃消痰最理頭疼與方解石相似須瑩淨如水晶者真難子爲使惡莽草馬目毒公巴豆畏鍊

按石膏辛走肺甘走胃所以主發散仲景名爲白虎蓋有兩義一則以其入肺一則以其性雄苟胃弱不食及血虛發熱者悞用之爲害不淺

雷公云

凡使勿用方解石此石須白不透明其性燥若石羔出剡州茗山縣義情山其色瑩潔如水情性良善也

凡使之先于石田中搗成粉以密物羅過生甘草飛過了水汗令乾重研細用之良

青鹽味鹹性寒無毒入腎經主明目止痛益氣堅筋骨助水臟除心腹痛破積聚瘡疥瘡一名戎鹽一名胡鹽

按青鹽味鹹腎所宜也故獨入之水臟既補則明目堅骨等

功何足異耶

食鹽味鹹性溫無毒入腎肺肝三經主鬼蠱邪疰毒氣洗下部
蟪瘡吐中焦痰癖疰氣及內腎氣止霍亂及心腹卒痛殺蟲
去風明目固齒白如霜雪者佳炒研用

按食鹽之醜不歸腎臟肺即其母肝即其子也故并入之本
草云多食傷筋損肺水腫及咳嗽血虛者忌之何也蓋以醜
走腎過多則腎不能勝而受傷於是盜食母氣而肺氣亦損
肺損則金還尅木夫肝主筋而藏血肺主咳嗽而生水數症
之來寧能免耶

雄黃味苦甘性平有毒不載經絡主殺精魅鬼邪蛇虺蠱毒山
嵐瘴毒惡瘡死肌疥癬蟲蠹百節中風鼻中瘰肉中惡腹痛佩
帶之鬼神不敢近諸毒不能傷胎婦轉女成男解藜蘆毒大瑰
透明中無砂石者佳研細水飛用

按雄黃或以爲黃金之苗今有金窟處无雄黃則斯言未足
深信夫孕婦佩之能轉女胎爲男言若不經然里中試之者
往往獲驗則有奪造化之功非稟太陽之精惡能臻此殺蠱
辟邪宜其效矣中其毒者以防已解之

雷公云

凡使勿用黑雞黃自死黃夾膩黃其臭似雄黃只是
臭不堪用時人以醋洗之三兩度便无臭氣勿誤用

也次有夾膩黃亦似雄黃其內一重黃一重石不堪用次有
黑雞黃亦似雄黃如烏雞頭上冠也凡使要似鷓鴣鳥肝色
爲上凡修事先以甘草紫背天葵地胆碧稜花四件並細剉
每五件各五兩雄黃三下東流水入瓦罏中者三伏時方漉
出搗如粉水飛澄去黑者晒乾再研方入藥用其內有劫
鍊石是雄黃中又有號赴矢黃能劫于鍊並不入藥用

紫石英味甘辛性温无毒入心經主咳逆邪氣寧心定驚補不
足塗腫毒又主婦人子戶風寒十年无孕長石爲使畏扁青附
子惡黃連鮑甲麥句薑

按紫石英爲鎮重之劑又有紫赤色心經之所由入也心主

血婦人得之則血受溫補而胎可結矣

赤石脂味甘性平無毒入心經主養心氣明目益精療腹痛下痢癰疽瘡痔女子崩漏產難下胞衣惡大黃及松脂畏芫花

按石脂色赤宜入心經腹痛諸症皆火為之殃崩漏諸症皆血為之禍心主血屬火得石脂以療之而更何庸虞哉

寒水石味辛甘性大寒無毒入五臟諸經主內外大熱時行熱渴腹中積聚解巴豆毒凡使須姜汁煮之汁盡為度細研用畏地榆

按寒水石即凝水石性極寒令故於五臟靡所不入過服令人腸胃受寒不能飲食陶隱居云夏月能為水者佳如此則舉世不能得矣似乎失言

雷公云

凡使先用生姜自然汁煮汁盡為度細研成粉然後用之每修十兩里姜汁一鎰

花藥石味性經絡諸書不載主金瘡止血產婦血暈火燬用

按花藥之功專主血症能化瘀血為黃水服之令人大虛不

宜輕用若多用服後當以補劑培之

陽起石味鹹性溫無毒入腎經主腎絕陰痿崩中漏下癥瘕結

氣有雲頭雨脚及鷺鷥毛者真桑螵蛸為使畏兔絲惡澤瀉官

桂蛇蛻雷丸忌羊血

按陽起石鹹溫之品宜歸水臟崩漏癥結皆腎虛所致故咸

療之難得其真勿宜誤用

逢萊味苦辛性溫元毒入肺經主消痰止咳理喉痺破癥結光

明瑩徹者佳

按蓬砂色白味辛宜歸肺部痰嗽等症皆肺火也宜咸治之

胆礬味酸苦辛性寒有毒不載經絡主消熱殺虫止驚癇吐風

痰鮮明者佳

按胆凡之功大抵與白礬相類惟能止驚爲少差耳

青礞石味辛甘性平有毒入肺大腸胃三經主蕩滌宿痰消磨食積研絕細用

按礞石辛宜於肺甘宜於胃大腸者肺家傳送之宮也故都入之大損元氣不可漫用

无名異味甘性平无毒不載經絡主金瘡折傷內損止痛生肌及長肉消癰疽腫毒

按海內人云石无名異絕難得土無名異不甚貴重豈本經說者爲石今所有者爲土乎用時以醋磨塗患處

玉屑味甘性平无毒入肺經主除煩止渴養神明目寧心定驚滅癩痕滋毛髮助聲喉美顏色搗如米苦酒浸之消如泥惡鹿

角畏欵冬花

按玉屑色白性潤宜入肺部肺得其養則煩渴諸症何自而

生又主滅癥

云

者亦以肺主皮毛功效之所必及也

自然銅味辛性平无毒不載經絡主破積聚療折傷續筋骨散
血排膿止痛定驚亦生產後血邪凡使須搥碎以甘草水煮過
又用醋浸一宿以泥盒裹之火煨研細用

按自然銅實銅坑中所產之石也其色青黃如銅不從礦煉
故名之丹溪曰自然銅世以為接骨要藥不知接骨在補氣
補血補胃補腎俗工惟冀速效以罔利而用之亦未稔其燥
散之禍耳

雷公云

石髓鉛即自然銅也方使勿用方金牙其方金牙真

微甘如採得先隨碎同甘草湯煮一伏時鹿出令乾入目中
搗了重篩過以醋浸一宿至明用六一泥泥堯合中約盛得

三升以來放文武火中養三日夜繼乾便用蓋了泥用火煨雨伏時去土快蓋研如粉用若修事五兩以醋兩銚

石鷲性涼無毒味與經絡諸書不載主五淋小便不利腸風痔

瘦婦人產難兩手各握一枚立驗研細水飛用

按圖經云石鷲出零陵郡今祁陽縣沙灘亦有之形似蚶而

小其實石也觀其主治都是行下之功食療贊其補益似未

然耳

磁石味辛鹹性寒無毒入腎經主周身濕痺肢節中痛目昏耳

聾補勞傷除煩燥消腫毒令人有子能吸重鉄者佳入火煨紅

醋淬七次研絶細用柴胡爲使惡牡丹芥草黃石脂

按磁石入腎何也蓋以性能引鉄取其引肺金之氣入腎使

子母相生尔水得金而清則相火不攻自去故主治如右然

久服多服必有大患勿喜其功而忽其害也

雷公云

凡使勿誤凡玄中石并中麻石此石之二真相似于磁石只是吸鉄不得中麻石心有赤皮籠是鉄山石

也設服之令人有忘瘡不可療失欲驗過一斤磁石四兩只

吸鉄一斤者此名延年沙四而吸得鉄八兩者號曰續采石

四面只吸得五兩上下者方爲磁石几修事一斤用五花皮

一鎰地榆一鎰故縣十五兩三件並細剉以槌于石上碎作

二十二塊了將磁石于堯蓋上中下草葉以東施水煮三日

夜然漉出拭乾以布裹之向火石土再搗令細了却入乳

鉢中研細如塵以水沉飛過又研如粉用之

硫黃味酸性大熱有毒人命門經主下焦虛冷陽絕不起頭禿

疽痔癬疥心腹疝癖脚膝冷疼虛損泄精瑩淨无夾石者良甘

草湯煮過用畏朴硝細辛飛廉忌百般禽獸血

按硫黃爲火之精宜入命門補火蓋人有真火寄於右腎苟

非此火則不能有生此火一熄則萬物无父非硫黃孰與補

者太清云硫稟純陽號爲將軍破邪歸正返濁還清挺立陽

精消陰化魄戴元禮云熱藥皆燥惟硫黃不燥則先賢常頌

之矣今人絕不用之誠虞其熱毒耳然有火衰之症舍此莫

療亦畏而遺之可乎中其毒者以猪肉鳴羹餘甘草湯解之

雷公云凡使勿用青赤色及半白半黃半赤半黑者自有黃

然汁一鑑東流水三鑑紫背大葵汁一鑑粟遂子莖汁四件

合之撓勻一瓦鍋用六一泥固齊底下將硫黃碎之人于鍋

中以前件藥汁旋旋添入水煮之汁盡為度用以百部床十

兩柳虫未二斤一簇直二斤細到之以東流水并藥等同煮

硫黃二伏時日滿去諸藥取出思熟

甘草湯洗了入鉢中研二萬匝方妙

果部

陳皮味辛苦性温无毒入肺肝脾胃四經主下氣消食化痰破

結止嘔欬定霍亂療吐瀉利小便通五淋逐膀胱留熱殺寸白

諸虫核治腰痛疝痛葉治乳癰脇癰肉能止渴多食令人氣逆

生痰去白者兼能除寒發表留白者兼能補腎和中微炒用產

廣中陳久者良

按陳皮辛苦之性能泄肺部金能制木故入肝家土不受侮故入脾胃採時性已溼熱如人至老成則酷性漸減收藏又復陳久則多厯梅夏而烈氣全消溫中而无燥熱之患行氣而无峻削之虞中州之勝劑也乃大全以爲多用獨用有損脾胃師心之過耳

青皮味苦酸性溫无毒入肝脾二經主破滯氣愈低而愈效削堅積愈下而愈良引諸藥至厥陰之分下飲食入太陰之倉消溫瘧熱甚結母止左脇鬱怒作痛去肉微炒用

按青皮卽橘之小者酸能瀉水宜走肝經溫能甫導宜歸脾部其性峻削多服傷脾虛羸禁

枳殼味辛苦酸性微寒无毒入肺肝胃大腸四經主下胸中至高之氣消心中痞塞之痰泄腹中滯塞之氣推胃中隔宿之食

削腹內連年之積疏皮毛胸膈之病散風氣痒痲通大腸閉結
止霍亂療腸風攻痔疾消水腫除風痛去瓢核麩炒用陳久者

食

按枳椇辛歸於肺酸歸於肝大腸者肺之腑也胃者上焦之

腑也故均入之刮下枳茹其效更速

雷公云

凡使勿用枳實緣性效不同若使根殼取辛苦酸并
有油能消一切癖塊陳久年深者為上用時先去麩
麩炒過待麩焦黑遂出合用布
拭上焦黑後卑搗如粉用之

枳實味苦酸性微寒无毒入心脾二經主消胸中之癖滿逐心

下之停水化日久之稠痰削年深之壅積除腹脹消宿食定喘

咳下氣逆麩炒用

按枳實即枳殼之小者苦宜於心脾者心之子也故并入之

其性猛烈有冲墙倒壁之功氣溺者忌之考青皮陳皮同一

種枳殼枳實同一種但採有遲早分老嫩而名也四者主治咸以導滯爲功然嫩者性酷治下老者性緩治高之別尔

杏仁味甘苦性溫有小毒入肺大腸二經主胸中氣逆而喘嗽大腸氣秘而難便及喉痺痞痰結煩悶金瘡破傷風熱諸瘡中風諸虛蛇傷犬咬陰戶痛痒並堪搗傅沸湯炮去皮尖炒用得火良惡黃芩黃耆葛根畏藜蘆解錫毒及中狗肉毒雙仁者能殺人杏子不可多食能損筋骨眼目

按杏仁入肺者經所謂肺苦氣上逆急食苦以瀉之是也大腸則其肺爲傳送者也宜並人之考左慈秘訣稱杏仁爲草金丹久服成仙方書又云服杏仁者往往至二三年或瀉或臍中出物皆不可治爾說相背然杏仁主散痰從腠理中發散而去且有小毒則方書之說最爲近理秘訣所言意者功

雷公藥性角
在法製亦未可知然終屬虛渺勿宜盡信

雷公凡使須以沸湯浸少時去皮膜及尖擘作兩井用白

火石并烏豆杏仁三伴于鍋子中下東流水煮從日

桃仁味苦甘性平无毒入肝大腸二經主閉血血閉癥瘕鬼邪

血燥便結殺三蟲止心崩沸湯炮去皮尖炒用花主殺鬼疰悅

顏色利二便下諸虫勿用于葉者令人鼻衄毛主血痕積聚崩

帶諸疾桃虫主殺精鬼邪惡不祥葉主惡氣客忤陰戶生虫痛

痒及瘡中虫桃實多食令人發熱

按桃仁行血宜入肝經性潤宜入大腸典術云桃為五木之

精故花仁子葉俱能壓邪殺鬼

雷公云凡使須灼去皮渾用白米烏豆二味和桃仁同于瓦

鍋中煮一伏時後漉出用手擘作附片其心黃如食

色白用之花勿使小葉者能使人鼻衄不止目黃凡用諫今

淨以絹袋盛於檐下懸令乾去塵了用鬼臙腫勿使乾桃子

其鬼鬪體只是于葉桃花結子在樹上不落者乾然于十一月內採得可爲神妙凡修事以酒拌蒸從已至未焙乾以詞刀切片焙取肉用

大棗味甘性平无毒入心脾二經主和百藥益五臟潤心肺養脾胃補精氣生津液通九竅强筋骨祛邪氣悅顏色去核用熬烏頭毒忌生葱

按棗之入脾者經所謂五味入口甘先歸脾是也心則生脾者也宜並入之多服能壅脾作脹而中滿及齒痛風疾者咸非所宜

烏梅味酸性温无毒入肺腎二經生津液解煩熱止吐逆陰瘧瘴止久痢消酒毒又主皮膚黑點麻痺不仁去核用

按烏梅入肺者經所謂肺欲收急食酸以收之是也腎則其所生者也宜並入之多食最能損齒風寒初起瘧疾未久者

不可驟以此收斂也

藕味甘性平无毒入脾經主散闕血止吐衄解熱毒消食止渴除煩解酒和蜜食之能肥腹臟不生諸虫煮熟食之能實下焦大開胃腕其節尤佳其皮散血不凝蓮子主清心醒脾補中養神進飲食止瀉痢禁泄精除腰痛久服耳目聰明宜去心蒸熟用蓮鬚主益腎潛精荷葉主雷頭風破血止渴葉蒂主安胎逐闕血留好血止血痢

按藕味甘温宜歸脾臟脾實裏血故治血症多服蓮子令人氣滯多服蓮鬚令人秘結荷葉形如仰盂其象爲震震爲雷属木化風故治雷頭風枳朮九用之取其引生少陽經清氣耳葉蒂在中故能中守又能行血者性温之功也

枇杷葉味苦性平无毒入肺經主除嘔和胃解渴止嗽下氣清

痰刷去黃毛蜜炙用枇杷主潤五臟止吐解渴

按枇杷葉之入肺苦能泄氣故也不去黃毛射入肺中發咳

不已枇杷不可多食亦能發熱生痰

雷公云

凡使採得後秤濕者一葉重一兩乾者三葉重一兩者是氣足堪用使細布拭上毛令盡用甘草湯洗一遍却用綿再拭令乾每一兩以酥一分炙之以酥盡為度

石榴皮味酸澹性溫無毒入大腸腎二經主精漏下痢筋骨風

痛脚膝難行目流冷泪腸風下血煞牙虫染鬚髮其子止渴其

花百葉者主心熱療吐血為未吹鼻中止衄血及金瘡血

按腸滑則患血痢腎滑則患遺泄榴者留也故入茲二經然

痢積未盡者不可先以此澀之多服能戀膈成痰其子不宜

過食能損肺壞齒其花色赤屬火宜入心家而主血

雷公云

凡使皮葉根勿令犯鉄若使石榴壳不計乾濕先用漿浸一宿至明漉出其水如墨汁若使枝根葉

用漿水浸一宿方可用之

山查味甘酸性平無毒入脾經主健脾消食散結氣行滯血理

瘡瘍

按山查之甘宜歸脾臟消食積而不傷于刻行氣血而不傷

於蕩產科用之療兒枕疼小兒尤為要藥

梨味甘性寒無毒入心肺二經主心經客熱肺臟煩熱止嗽消

痰清喉降火解渴除煩消風潤燥

按梨之入心經所謂以甘瀉之是也火清而金不受爍故亦

入肺經性冷而利多食損脾丹溪曰梨者利也流利下行之

謂也乳婦及金瘡忌用

柿味甘澁性寒無毒入心肺大腸三經主潤心肺通耳鼻消痰

嗽清火熱除渴解酒祛腸內宿血止血口中吐血忌同蟹食柿乾

潤喉降火補虛煞虫厚腸止痢柿蒂主呃逆

按柿之色赤宜歸心臟性潤宜歸肺家大腸則共肺爲傳送者也故亦入之性冷傷脾不宜多用若同懈食令人腹痛大瀉柿乾及蒂總屬寒涼都能清火

芡實味甘性平無毒入心腎脾胃四經主安五臟補脾胃益情氣止遺泄緩腰膝去濕痺明目治健忘

按芡實之甘宜歸脾胃土得其宜則水不受尅火亦無盜食之虞故又入心腎二經多食壅氣最難消化嬰兒食之不長老人食之延年

胡桃味甘性平無毒入肺肝腎三經主通血脈潤肌膚補下元同松脂可敷癩癧同熱酒能理撲傷去衣用過食動風生痰

按胡桃入肺故主肌膚入肝故主血脈其性屬火能補相火

故亦入腎經火能尅金多食則傷肺故能動風生痰瀉痢及感冒風寒者忌用

龍眼

龍眼味甘性溫無毒入心脾二經主補血氣養肌肉益虞氣養顏色除健忘治怔忡增智慧明耳目久服延年

按龍眼甘溫之品脾家所悅心者脾之母也母無顧子之憂則心血可葆故入茲二經然甘能作脹凡中滿氣隔之症均宜遠之

橄欖味甘濇性溫無毒入脾胃二經主開胃下氣消食化酒除渴止瀉解諸魚毒核中仁可塗口唇燥裂

按橄欖甘溫之性宜職脾胃然性熱能致上壅亦不可多食

穀部

麥芽味甘鹹性溫無毒入脾胃二經主溫中下氣開胃健脾催
生下胎去宿食除脹滿止吐逆破癥結消痰痞炒去芒再炒焦
黃研用蜜爲之使

按麥芽甘而且溫宜職中州夫麥性沉滯不過水浸生芽氣
雖少清性猶未化攻效何若是殊哉全在多炒使其性枯尔
不然是卽食矣豈復能消耶丹溪云尖麥有火能生熱病其
芽能行上焦滯血除腹內寒鳴然多用外服令人消腎

神麴味甘性溫無毒入脾胃二經主調中止瀉開胃消食破癥
結逐積痰除脹滿又主胎上捨心血流不止亦能下鬼胎

按神麴甘溫爲脾胃所喜故兩入之本小麥麴造成須得六
神氣者良不尔與麴餅何異其法于六月六日用麴五斤象
白虎蒼耳草自然汁一碗象勾陳野藜自然汁二碗象騰蛇

青蒿自然汁一碗象青龍杏仁去皮太五兩及北方河水象
玄武赤小豆煮熟去皮四兩象朱雀一如造麴法懸風處經

年用

雷公云

凡使搗作末後掘地坑深二尺用
物裹內坑中至宿明出焙乾用

酒味苦甘辛性大熱有毒入十二經主毆邪氣辟穢惡禦霧露
解瘴癘温脾胃破癥結助藥力厚腸胃駐顏色通行血脉榮養
肌膚忌諸甜物及乳同食

按酒之為用无微不達故諸經皆入之主療雖宏能發濕中
之熱過飲則相火昌炎肺經受燥輒致痰嗽脾因火而困倦
胃因火而嘔吐心因火而昏狂肝因火而善怒胆因火而忘
懼膀胱因火而精枯甚者勞嗽吐衄哮喘壘脹癩癰癰疽流
禍不小倘非具眼死亡立至可不謹乎

醋味酸性溫無毒入肝經主胃脫氣痰癥瘕積聚產後血暈去
瘀生新同胡粉止鼻中血同雄黃治蜂蝎蛇傷漬黃栢可治口
瘡磨南星可敷瘤癧調飛麩堪塗癰腫和石灰除脹氣皮蛤肉
按經曰東方之木其味酸醋之所以耑入肝也能傷筋損齒
不宜多食

飴糖味甘微溫無毒入肺脾二經主和脾潤肺補虛止渴消痰
理嗽建中斂汗

按肺喜潤脾喜甘宜飴糖之入二經也建中湯用之取其甘
緩丹溪以爲能生胃火此損齒之因非土制本乃濕土生火
也中滿嘔吐及濕熱之症皆不宜服

胡麻子味甘性平無毒入肺脾二經主傷中虛羸補五內益氣
力潤肌膚填腦髓堅筋骨療金瘡止痛除之生瘡及傷寒溫瘧

胃公藥小魚
大吐後虛熱羸困利大小腸催生落胞久服耳目聰明辟穀延年水淘去淨者酒蒸晒乾去籠皮留薄皮

按胡麻性潤而味甘脾肺之所由歸也仙經需為要藥取其補虛殊勝脾家有火大腸燥結者始為相宜不然恐有洩痢之患

雷公云

凡使有四件八稜者兩頭尖紫色黑者又呼胡麻並是誤也其巨勝有七稜色赤味嗇酸是真又呼烏油

麻作巨勝亦誤者修事一斤先以水淘淨者去之泥者漉出令乾以酒拌蒸從巳至亥出攤晒乾于日中春令粗皮一重拌小豆相對同炒小豆熟即出去小豆用之上有薄皮去留用力任壳也

白菡豆味甘性微溫無毒入脾經主補脾益氣和中止瀉醋製能療霍亂轉筋解酒毒及河鮑毒一切草木毒葉主蛇虫咬傷花主赤白帶下

按菡豆性味皆與脾家相得宜獨入之然此劑最為泥膈惟

入健脾藥中則能補脾若單食多食極能壅氣傷脾本草稱
其下氣恐非

赤小豆味甘酸性平无毒入心經主消熱毒排癰腫解煩熱補
血脉止洩瀉下水氣利小便除大便血解小麥毒

按赤小豆南方心火之色也故獨入之經曰諸瘡痛癢皆屬
心火又曰心主血故主瘰如右小腸者即受盛而與心應者
也故亦能利之衍義曰久服令人黑瘦結燥亦以利小便之
故耳

芝麻味甘性生寒熟温无毒入胃大小腸三經主行風氣通血
脉滑腸胃潤肌膚生嚼可敷小兒頭瘡麻油主治相同能煞虫
治疥癬解百毒

按芝麻味甘宜歸胃腑性滑利宜入大小腸總是潤澤之劑

故能通血脉血脉通則風氣自行肌膚自潤矣乳母食之令
兒无熱病不宜久食令人滑精消瘦發渴困脾有牙疼及脾
胃疾者尤可當戒

豆鼓味苦性寒无毒入肺經主傷寒頭痛寒熱惡毒瘴氣煩燥
滿悶虚勞喘吸

按鼓之入肺所謂肺苦氣上逆急食苦以洩之之意也傷寒
瘴氣肺先受之喘吸煩悶亦肺氣有餘耳何弗治耶

菘豆味甘性寒无毒入心胃二經主除熱毒厚腸胃散風消腫
下氣補臟養神留皮用

按菘豆寒則入心而瀉火甘則入胃而和中禹錫具稱其補
益宜長食之又堪作枕能明目治頭痛

雷公藥性解卷之一終

雷公炮製藥性解卷之二

雲間李中梓仕材編輯

吳門王子按晉三重訂

草部上

人參味甘性微溫無毒人肺經補氣活血止渴生津肺寒可服
肺熱傷肺去蘆用茯苓爲使惡鹵鹹反藜蘆

按參之用臟腑均補何功之宏也蓋人生以氣爲樞而肺主
氣經所謂相傳之宮治節出焉參能補氣故宜入肺肺得其
補則治節咸宜氣行而血因以活矣古方用以解散亦血行
風自滅之意也至於津液藏於膀胱實上連於肺故有生津
液之功肺寒者氣虛血滯故曰可服肺熱者火炎氣逆血脈
激行參主上升且能濬血故肺受傷也性本疏通人多泥其

作飽不知少服則壅多則反宣通矣

雷公云凡使要肥大塊如雞腿并似人形者揀得陰乾去四邊蘆頭并黑者剉入藥中夏中少使發心痞之患也

黃耆味甘性微温无毒入肺脾二經內托已潰瘡瘍生肌收口

固表虚盜汗腠理充盈惡龜甲白蘇皮

按黃耆之用專能補表肺主皮毛脾主肌肉故均入之已潰

瘡瘍及盜汗皆表虚也故咸用之裡虚者忌服恐升氣於表

愈致其虚表邪者忌服恐益其邪也惟表虚邪湊不發汗者

可酌用之生者亦能瀉火

雷公云丸使勿用水耆草真相似只是生時葉短并根黃先須去頭上破皮了蒸半日出後用手掌令細於槐砧

土剉用○熊氏白黃芪動三焦之火

甘草味甘性平无毒入心脾二經生則分身稍而瀉火炙則健

脾胃而和中解百毒和諸藥甘能緩急尊稱國老白芷乾漆苦

參爲使惡遠志反甘遂海藻大戟芫花忌猪菘菜

按味甘入脾爲九土之精安和七十二種金石一千二百種
草木有調攝之功故名國老然性緩不可多用一恐甘能作
脹一恐藥餌無功惟虛人多熱及諸瘡毒者宜信用中滿及
初痢者忌之所謂脾病人毋多食甘也

雷公云

凡使須去頭尾尖處其頭尾吐人每斤皆長三寸判
劈破作六七凡使幾器申盛用酒浸蒸從巳至午出

暴乾細刺使一斤附酥七兩壅土炙

三盡爲度先炮令內外赤黃用良

當歸味甘辛性温无毒入心肝肺三經頭止血面上行身養血
而中守稍破血而下流全活血而不走氣血昏亂服之而定各
歸所當歸故名酒浸用惡藺茹煨葛蒲海藻牡蒙

按歸血藥也心主血肝臟血脾裏血故均入之用分爲四亦
親上親下之道也雷公云一齊用不如不使服亦无效未可

盡信性泥滯風邪初旺及氣鬱者宜少用之

雷公云凡使先去塵并頭尖硬處二分已來酒浸一宿君要破血即使尾若要止痛止血即頭硬實處若養血

即用申身若全用不如不使服食无效單使妙也

川芎味辛甘性温无毒入肝經二行頭角引清陽之氣而止痛

下行血海養新生之血以調經久服令人暴亡白芷為使煨黃

連小者名撫芎主開鬱

按川芎入肝經能補血矣何云暴亡以其氣升陽其味辛散

氣提清善於上部有功然宜中病即已若久用則氣逆且耗

故有此患凡氣升痰喘火劇中滿等症不宜用之

山藥味甘性温无毒入脾肺腎三經補陰虛消腫硬健脾氣長

肌肉强筋骨療乾咳止遺泄定驚悸除瀉痢乳製用紫芝為使

嵩門冬惡甘遂

按丹溪曰山藥屬土而有金與水宜入脾肺腎而補虛經曰
虛之所在邪必湊之腫硬之謂也得補則邪自去脾自健於
是土盛生金金盛生水功效相仍矣然單食多食亦能滯氣
白朮味苦甘性溫無毒入脾經除濕利水道進食強脾胃佐黃
芩以安胎君枳實而消痞止泄瀉定嘔吐有汗則止無汗則發
上炒用防風地榆爲使忌桃李雀肉毒魚松菜

按白朮甘而除濕所以爲脾家要藥胎動痞滿吐瀉皆脾弱
也用以助脾諸痰自去有汗因脾虛故能止之無汗因土不
能生金金受火剋皮毛焦熱既得其補脾又藉其甘溫而汗
可發矣傷寒門有動氣者不宜用之

蒼朮味甘辛性溫無毒入脾胃二經主平胃滌脾寬中散結發
汗祛濕壓山嵐氣散溫瘧泔浸一宿換泔浸炒用使忌同白朮

按白芍酸走肝故能瀉木中之火四怒受傷之症得之皆愈
積聚腹痛雖脾之病然往往亢而承制土極似木之象也經
曰治病必求於本今怡之以肝正其木也目疾與婦人諸症
皆血之病得之以伐肝邪則血自生而病自已故四物湯用
之亦以婦人多氣也今竟稱其補血之效而忘其用可耶新
產後宜酌用之恐酸寒伐生生之氣也血虛者煨用痛痢者
炒用

雷公云

凡採得後于日中晒乾以竹刀刮上粗皮并頭
土了剉之將蜜水挂蒸從已至未晒乾用之

生地黃味甘苦性寒無毒入心肝脾肺四經涼心火之煩熱瀉
脾土之溼熱止肺經之衄熱除肝水之血熱忌見銖器當歸為
使得麥門冬酒良惡貝母畏蕪荑菴菹及子

按生地黃總是涼血之劑故入四經以清諸熱老人津枯便

雷公藥性論卷二
結婦人崩漏及產後血攻心者尤爲要藥實脾藥中用二三
分使脾家永不受邪血虛寒者忌之

熟地黃味甘苦性溫無毒人心肝腎三經活血氣封填骨髓滋
腎水補益真陰傷寒後脛股最痛新產後臍腹難禁利耳目烏
鬚髮治五勞七傷能安魂定魄使忌畏惡俱同生地性尤泥滯
薑酒浸用

按熟地黃爲補血之劑而心與肝臟血生血者也故能入焉
其色黑其性沉陰重濁經曰濁中濁者堅強骨髓腎主骨故
入之精血既足則脛股臍腹之症自愈耳自鬚髮必受其益
而勞傷驚悸並可痊矣

雷公云

採得生地黃去白皮燒鍋上柳木甑蒸之灑合氣散
拌酒再蒸又出合乾勿令犯銅鉄令人腎消并白髮

男損榮友
損衛也

知母味苦性寒无毒入腎經瀉無根之腎火療有汗之骨蒸止
虛勞之陽勝滋化源之陰生勿犯鉄器犯之損腎烽去毛鹽酒
炒用

按知母入腎爲生水之劑水盛則火熄所謂壯水之主以制
陽光也口渴乾欬眼花目眩便赤腰痛褥勞煩躁不眠此皆
陽盛陰衰之症服之皆愈若肺家寒嗽及腎氣虚脱无火者

禁用

雷公云

凡使无用槐砧上細剉燒乾木白中杵搗勿令犯鉄器。行經上藥酒炒用。

貝母味辛苦性微寒无毒入心肺二經清心潤肺止嗽消痰主
胸腹氣逆傷寒煩熱淋瀝痕疝喉痺金瘡人面瘡癭癩諸惡瘡
去心研用厚朴白薇爲使惡桃花畏秦艽礬石莽草反烏頭

按貝母辛走肺苦走心善能散鬱瀉火故治胸腹三云等疾

雷公云

凡使先于柳木火中炮令黃寧破去肉口鼻上有米

許大者心一小顆後拌糯米于釜上同抄待米黃熟然後去米取出其中有濁顆團不作兩片尤穀者號曰丹龍

服立愈

黃芩味苦平性寒無毒入肺大腸膀胱膽四經主崩淋熱恒痛痢惡瘡解毒收口去翳明目調經安胎中枯而飄者瀉肺火消痰利氣除風溼留熱於肌表細實而堅者瀉大腸火養陰退陽滋化源除熱于膀胱山茱萸龍骨為使惡蔥實畏丹砂牡丹藜蘆砂參丹參

按芩枯飄者有上升之象故入肺堅實者有下行之理故入大腸諸經性甚寒苟無實火不宜用之

黃連味苦性寒無毒入心經主心火炎曰疾暴發瘡瘍紅腫腸紅下痢痞滿泄瀉小兒疳熱消中口瘡驚悸煩躁天行熱疾黃

芩龍骨連翹滑石爲使惡菊花羌花立參白蘚白僵一畏欸冬
花解巴豆烏頭毒忌猪肉冷水

按黃連味苦瀉心怡心火諸病不可缺瀉痢雖屬脾經正由
火不能生土況心與小腸相爲表裏心火瀉則小便亦利而
腸胃自厚矣因寒得瀉者忌之又久病氣虛心火不盛者用
之則愈虛虛火反熾

雷公云凡使以布拭去鬚毛然後用漿水浸二伏時漉出於柳木火中焙乾用若服此藥得十兩不得食猪肉若服至三年不得食猪肉一生也

大黃味苦性大寒無毒入脾胃大腸心肝五經性沉而不浮用
走而不守尊上鬱而无壅滯定禍亂而致太平名曰將軍又主
癰腫又目疾痢疾暴發血閉火閉推陳致新黃芩爲使无所畏
錦紋者佳

按大黃之入脾胃大腸人所解也其入心與肝也人多不究昔仲景百勞丸麝黃丸都用大黃以埋勞傷吐衄意最深微塞以濁陰不降則清陽不升者天地之道也瘀血不去則新血不生者人身之道也蒸熱日久闕血停於經絡必得大黃以豁之則肝脾通暢陳推而新致矣今之治勞多用滋陰敷服不效坐而待斃嗟乎術豈止此耶至癰腫目疾及痢疾咸熱闕所致故並治之傷寒脉弱及風寒未解者禁因

雷公云

凡使細切內紋如水旋空緊重剉蒸從巳至未晒乾又瀉臘米蒸從未至亥如此蒸七度晒乾却瀉薄蜜

水再蒸一伏時其大黃臂如鳥膏樣于日晒乾用之為妙

桔梗味辛性微温首小毒入肺經主肺熱氣奔痰嗽鼻塞清喉利膈能載諸藥入肺節皮為使畏白芨龍胆草

按桔梗味辛故專療肺疾下部藥中勿用恐其上載而不能

下達也

雷公云

凡使勿舂本梗真似桔使咬之只是腥瀆干湛用凡使去頭尖硬二三分已來并兩畔附枝子於槐砧上

細判用百合水浸一伏時漉出緩火熬令乾用有修事四兩用生百合五分搗作膏投水中浸

天花粉味苦性寒無毒入肺心脾胃小腸五經主肺火盛而喉痺脾胃火盛而口齒腫痛清心利小便消痰陰咳嗽排膿消腫生肌長肉止渴退煩熱補虛通月經枸杞為使惡乾姜畏牛膝乾漆反烏頭

按天花粉色白入肺味苦入心脾胃者心之子肺之母也小

腸與心相為表裡故均入焉本功清熱故主療頗多其理易

達惟曰補虛通經此甚不可泥也夫苦寒之劑豈能大補以

其能清火則陰得其養非真補也月水不通亦以熱閉熱退

則血盛經通非真能通也此治本窮源之說耳倘因寒致疾

者可悞使哉子名瓜萸主胸痺仁主潤肺下氣止痰嗽療乳癰乳閉並宜炒用

半夏味辛平性生寒熟温有毒入肺脾胃三經下氣止嘔吐開鬱散表邪除濕化痰涎大和脾胃須湯淋十遍薑礬甘草製用射于柴胡為使惡皇莖畏雄黃生薑乾姜秦皮龜甲反烏頭忌羊肉羊血飴糖海參

按半夏味辛入肺性燥入脾胃中其毒者口噤發吐煩渴及血症勿用惟氣疰發渴者不禁

雷公云凡使勿用白傍幾子真似半夏只是咬著誤微酸不入藥用若修事半夏四兩用搗了白芥子末二兩頭醋六兩二味攪合濁將半夏投中洗三遍用之半夏土有陳延若洗不津令人氣並肝氣怒滿

紫蘇味甘辛性温无毒入肺脾二經葉能發汗散表温味和中除頭痛肢節痛雙面紫者佳不敢用麻黃者以此代之梗能順

氣安胎子能開鬱下氣定喘消痰

按辛走肺甘走脾辛散之劑下氣最捷氣虛者少用之

白芷味辛性溫無毒入肺脾胃三經去頭面皮膚之風除肌肉燥痒之痺止陽明頭痛之邪為肺部引經之劑主排膿托瘡生肌長肉通經利竅止漏除崩明目散風驅寒燥濕當歸為使惡旋覆花

按白芷味辛為肺所喜而溫燥為脾胃所喜宜其入矣然香

燥而發散主治雖多能傷氣血不宜多用久用

雷公云凡採得後勿用四條作處生者此名張公藤兼勿用馬蘭並不入藥中採得後刮削去皮細剉用黃精亦

細剉以竹刀切二味等分兩度蒸一伏時候出于日晒乾去黃精用之

防風味辛甘性溫無毒入肺經瀉肺金療諸風開結氣理目痛

惡乾薑藜蘆白薇芫花解附子毒

按防風辛走肺為升陽之劑故通療諸風氣之結者肺之疾也目之痛者風之患也宜並主之東垣云卑賤之卒聽令而行隨所引而至乃風藥中潤劑也能瀉上焦元氣虛者不得槩用令人類犯此弊

獨活味苦甘辛性微溫無毒入肺腎二經主新舊諸風濕痺頸項難伸腰背痠疼四肢痠痿黃色而作塊者為獨活

按獨活氣濁屬陰善行血分斂而能舒沉而能升緩而善搜可助表虛故入太陰肺少陰腎以理伏風

羌活味苦甘平性微溫無毒入小腸膀胱二經散入表風邪利周身節痛排巨陽腐肉之疽除新舊風濕之症紫色而節密者

為羌活

按羌活氣清屬陽善行氣分舒而不斂升而能沉雄而善散

可發表邪故人手太陽小腸是太陽膀胱以理遊風其功用與獨活雖若不同實互相表裡用者審之

雷公云

稜得後細剉拌淫羊瞿蒸三日後曝乾去淫羊瞿用免煩人心

柴胡味苦性微寒無毒入肝膽心胞絡三焦胃大腸六經主傷寒心中煩熱癢實腸胃中結氣積聚寒熱邪氣兩脇下痛疏通肝木推陳致新半夏爲使惡皂莢畏女苑藜蘆犯火無妨

按柴胡氣味升陽能提下元清氣土行以瀉三焦火補中益氣湯用之亦以其能提肝氣之陷者由左而升也凡胸腹腸胃之病因熱所致者得柴胡引清云濁而病謝矣故入肝胆等經衍義曰本經並無一字言及治勞今治勞多用之誤人不小勞有一種真臟虛損復受邪熱邪因虛而致勞者宜用後世得此數言凡遇勞症槩不敢用此所謂侏儒觀場隨衆

喧喝矣惟勞症不犯實熱者用之亦能殺人誠所當慎咳嗽
氣急痰喘嘔逆者禁用以其上升也傷寒初起忌之恐引邪

入少陽經也

雷公云

凡使莖長軟皮赤黃髭鬚出在平川平縣即今銀根
銀縣也西畔生處多有白鶴綠鶴于此翔處是柴胡
香直上雲間若有過往聞者皆氣爽凡採得後去鬚并頭用
銀刀削上赤薄皮少許却以粗布拭淨細銼用之勿令犯火
立便无

效也

註云

柴胡乃少陽經藥也
久服令人肝胆平

前胡味苦甘辛性微温无毒入肺肝脾膀胱四經主傷寒痰嗽
痞滿心腹結氣解熱開胃推陳致新亦止夜啼兒佐使畏惡同

柴胡

按前胡辛可暢肺以解風寒甘可悅脾以理胸腹苦能洩厥
陰之火温能散太陽之邪

雷公云

凡藥勿用空蒿根絲真似前胡只是味粗暖若誤用令人反胃不受食若是前胡味甘氣香尤修事先用

刀割去蒼黑皮并髭上細錢用甜竹止浸令潤于日中晒乾用之

香附味辛甘性温无毒入肺肝脾胃四經疏氣開一消風除癢便醋製用

按香附味甘辛故主發散疏通以人肺肝脾胃類稱女科聖藥者蓋以婦人心性偏熱多氣多一血因氣一則不能生耳不知唯氣實而血不大虛者宜之不然損其氣燥其血愈致其疾惜乎未有發明而世俗多受女科聖藥一旬之累矣性燥故便製以潤之性散故醋製以斂之

麻黃味甘苦性温无毒入肺心大腸膀胱四經主散在表寒邪通九竅開毛孔破癥結除積聚去根節者大能發汗根節能斂汗厚朴爲使惡辛黃石葦陳久者良

按麻黃喘主發散宜入肺部出汗開氣宜入心與大腸膀胱
此驍悍之劑也可治冬月春間傷寒瘟疫夏秋不可輕用惟
在表真有寒邪者可用或无寒邪或寒邪在裡或裡虛之人
或陰虛發熱或傷風有汗或傷食等症雖發熱惡寒其不頭
疼身疼而拘急六脉不浮緊者皆不可用雖可汗之症不宜
多服蓋汗乃心之液若不可汗而汗與可汗而過汗則心血
為之動矣或歪亡陽或至衄血不止而成大患丹溪以麻黃
人參同用亦攻補法也醫者宜知

雷公云

凡使去節并沫若不盡服之令人悶用夾刀剪剪去節并頭槐砧上用銅刀細剉煎三四十沸竹片掠去

上抹盡瀝出熬乾用

葛根味甘性平无毒入胃大腸二經發傷寒之表邪止胃虛之
消渴解中酒之奇毒治往來之温瘧解野葛巴豆丹石百藥毒

按葛根療熱解表故入手足陽明入太陽初病未入陽明而頭痛者不可便服以發之恐引賊入家也又表虛多汗者禁用

麥門冬味甘性平微寒無毒入肺心二經退肺中隱伏之火生肺中不足之金止消渴陰得其養補虛勞熱不能侵去心用地黃車前爲使惡欬冬苦瓠畏苦參青蘘忌鮑魚肥大者佳

按麥門冬陽中微陰夫陽乃肺藥微陰則去肺中伏火伏火去則肺金安而能生水水盛則能清心而安神矣故能治血妄行調經和脉

天門冬味苦甘性寒無毒入肺腎二經保肺氣不被熱擾定喘促陟得康寧止消渴利小便強骨髓悅顏色煞三虫去伏尸去心用地黃貝母垣衣爲使畏曾青忌鯉魚

按天門冬氣薄主升故入肺味厚為陰故人腎虛熱者宜之

虛寒者禁用

雷公云

採得了去上皮一重便劈破去心用柳木甑燒柳木柴蒸一服時酒酒令遍更添火蒸出曝去地二尺已

來作小架上鋪天門葉將蒸了天門冬攤令乾用

辛且都有鹹味五味俱備故名性

五味子味皮肉甘酸核中苦辛且都有鹹味五味俱備故名性

溫無毒入肺腎二經滋腎經不足之水收肺氣耗散之金除煩

熱生津止渴補虛勞益氣強陰菴蓉為使惡萎蕤勝烏頭北產

者良

按五味屬水而有木火土金故雖入肺腎而五臟咸補乃生

津之要藥收斂之妙劑然多食反致虛熱益以收補之驟也

如火救輒用寒涼恐致相激須用此酸斂以降之亦宜收用

肺火鬱及寒邪初起者禁用小兒尤甚以酸能鈞痰引嗽也

雷公云

凡小顆皮也飽者有白鹽顆一重其味酸鹹苦辛甘味全者真也凡用以銅刀劈作兩片用蜜浸蒸從

已至申却以漿小
浸一宿焙乾用之

升麻味甘苦性微寒无毒入大腸脾胃肺四經引葱白散手陽

明之風邪引石膏止足陽明之齒痛引諸藥遊行四經升陽氣

於至陰之下故名升麻又主解百毒煞精物辟瘟疫除蠱毒止

瀉痢白芷為使形輕而堅實青綠色者佳

按升麻提氣解肌故人此四經然奉今之使不能益人若下

元不足者用此升之則下虛而元氣益虧矣藥性乃曰元氣

不足者用此於陰中升陽恐非惟陽氣有餘而下陷者宜之

若初病太陽症便服升麻以發陽明汗是引賊入門亦非所

宜也

雷公云

採得後用月刮上粗皮一重了用黃精自然汁
浸一宿鹿出曝乾細剉蒸了曝乾後用之佳

藁本味苦辛性微温无毒入小腸膀胱二經主寒氣客于巨陽
之經若頭痛流于顛頂之止又主婦人疝瘕陰中寒腫痛腹中
急疼惡藺茹畏青箱子

按藁本上行治風故理太陽頭痛下行治濕故婦人諸症
風濕俱治功用雖匹尤長於風尔

細辛味辛性温无毒入心肝胆脾四經止少陰合病之首痛散
三陽數變之風邪主肢節拘攣風寒濕痺温中氣散死肌破結
氣消痰嗽止目淚療牙疼治口臭利水道除喉痺通血閉獨活
曾青棗根爲使惡狼毒山茱萸黃芪畏硝石滑石反藜蘆忌生
菜狸肉華陰者良

按細辛辛温宜入心肝等經以療在裡之風邪其氣升陽故
上部多功然諸症犯寒者可用若因火熱屬陽症者忌之單

服末不可過半錢多則氣塞不通者死

雷公云

凡使一一揀雙葉服之害人須去頭上田瓜水浸一宿至明漉出膠

既用

連翹味苦性微寒无毒入心肝胆胃二焦大腸六經瀉六經之血熱散諸腫之瘡瘍利小腸煞白虫通月經療五淋破癭瘤解痘毒鼠粘牙為使

按連翹苦寒雖瀉六經而心經為最諸瘡淋閉等症俱屬心火故能療之藥性曰除六經熱與柴胡同功然此治血熱胡治氣熱之別尔

澤瀉味甘鹹性寒无毒入膀胱腎三焦小腸四經主去胞垢退陰汗治小便淋瀝仙藥療水病濕腫靈丹畏海蛤文蛤兔白者佳

按澤瀉下降為陰崇主滲洩宜入膀胱諸經其行水之功過

于猪苓衍義曰小便既多腎氣焉得復實扁鵲曰多服病人
眼藥性曰令人面光無子乃本草稱其補虛明目治洩精消
渴珍珠囊註其生新水止虛煩恐无是理即六味丸中用之
以其滲去脾濕退命門火為向導尔又藥性賦云補陰不足
蓋以補陰之功不足也後世不察謂其可以補陰分之不足
大失本旨

扁鵲云 多蕪病人眼一名水藹一名及瀉一名芒草
一名鵲瀉生汝南汝澤五月八月採根陰乾

實味甘无毒主風痺消渴益腎氣強陰補不足除邪濕久服面

生光令人無子九月採

雷公云 不拘多少細剉酒浸一宿漉出曝乾在用也

葉味鹹无毒主大風乳汁不出產難強陰氣五月採

生胡索味苦辛性温无毒入心肺脾胃四經活精血療產後之

疾調月水主胎前之症一切因血作痛之症並治酒炒行血醋炒止血生用破血炒用調血

按玄胡索可升可降爲陰中之陽故能行上下四經此理血之劑也苟非血症用之无益

地榆味苦甘酸性微寒无毒入大腸肝二經主下部積熱之血痢止下焦不禁之月經又主金瘡除惡肉崩中帶下得髮良惡麥門冬

按地榆沉寒屬陰專入肝腸以理下焦血症有熱者宜之若虛寒下陷血衰泄瀉者勿用

防已味辛苦性平温无毒入十二經尤善腰以下至足濕熱腫盛療中風手脚攣急口眼喎斜疥癬虫瘡止嗽消痰利大小便去留熱垣衣爲使惡細辛革薛熬雄黃毒

按防已為陽中之陰於經絡无所不入又主降故下部多功
 象之于人則險而健者也用之當則可展其能一不當而反
 階之禍惟十二經真有濕熱壅塞及膀胱積熱下疰脚氣此
 誠要藥无可代者然臭味拂人妄服之令人減食其不可用
 有四若飲食勞倦元氣既虧而以防已泄大便則重亡其血
 一也發渴引斂熱在肺經氣分而防已乃下焦血藥二也外
 傷風寒邪傳肺部以至小便黃赤不通此上焦氣分禁忌血
 藥三也久病之後津液不行此上焦虛渴宜補宜甘溫若用
 苦寒之劑則速其危四也分木漢二種即根苗為名漢主水
 氣木主風氣為少異耳

雷公云凡使勿使水條以其木防已黃腥皮皺上有了足子
 不堪用夫使防已要心花大黃色者然細剉車前草

眼相對同蒸半日後出
 晒車前草去之細剉用

常山味苦辛性微寒有毒入肝經最開結痰專理瘧疾毒令人
叶燕生蔥菘菜及醋苗名蜀漆雞骨者良

按丹溪云常山屬金宜伐肝邪然其性酷下咽令人大吐傷

脾損胃惟精壯與痰實者宜之老人小兒及虛弱久病勿用

雷公云凡使春使莖葉夏秋冬用時用酒浸一宿至明
漉出日乾熬搗炒用勿令老人久病服之可忌

草龍胆味苦澁性寒无毒入府胆腎膀胱四經退肝經之邪熱

除下焦之濕腫明目定驚治疽止痢能殺疳虫小豆貫衆為使

惡防葵地黃

按圖經龍胆秋令開花冬間結實屬金與水金能制木水火

腎家胆與膀胱乃肝腎同部之腑也故均入焉夫目得肝血

而能視肝得腎水而後生今益腎清肝自之受明所自來矣

驚疳疳痢皆肝胆症也何弗治耶

雷公云採得後陰乾欲用時用銅刀切去髭上頭了到子甘
草湯中浸一宿至明漉出曝乾用勿空腹服之令人
禁不

[Faded bleed-through text from the reverse side of the page]

雷公炮製藥性解卷之三終

[Faded bleed-through text from the reverse side of the page]

雷公炮製藥性解卷之三

雲間李中梓仕材編輯

吳門王子接晉三重訂

草部中

玄參味苦鹹性微寒无毒入心肺腎三經主腹中寒熱積聚女子乳乳餘疾補腎氣除心煩明眼目理頭風療咽喉消癭瘤散癰腫解熱毒惡黃者乾薑大棗山茱萸反藜蘆勿犯銅器餌之噎咳損目

按玄參氣輕清而苦故能入心肺以清上焦之火體重濁而

滋鹹故能入腎部以滋多陰之火所以積聚等症靡不療之

雷公云

凡採得須用蒲草重重相隔人甑蒸兩伏時後出晒乾使用時勿令犯銅餌之後障人喉損人目棘去蒲

草盡了

用之

丹參味苦性微寒无毒入心經養神定志破結除癥消癰散腫

排膿止痛生肌長肉治風邪留熱眼赤狂悶骨節疼痛四肢不

遂破宿血補新血安生胎落死胎理婦人經脉不調血崩帶下

按丹參色赤属火味苦而寒故人手少陽經以療諸般血症

苦參味味性寒无毒入胃大腸肝腎四經主結氣積聚伏熱黃

疸腸風燥渴溺有餘瀝逐水消癰明目止泪去濕殺虫療大風

及一切風熱細疹以糯米泔浸一宿去浮面腥氣晒用立參為

使慈貝母漏蘆兔絲子反藜蘆

按若參属水有火性下降本入少陰心又入手足陽明及足

厥陰經者以其善主濕也蓋濕勝則生熱熱勝則生風而結

氣等症從茲有矣今以苦參燥濕治其本也東南卑溼尤為

要藥丹溪曰能破補陰氣或得之而腰重者以其氣降而不

升非傷腎也

雷公云

凡使不計多少先須用糯米濃泔浸一宿上有腥穢氣並在小而土浮去須重重淘過即蒸從巳至申出

曝乾細剉用之

紅花味辛性溫無毒入心肝二經逐腹中惡血而補血虛除產後敗血而止血暈療跌撲損傷瘡毒腫脹老人血少便結女子經閉不行催生下胎衣及死胎酒噴用其苗生搗敷腫毒其子吞數粒主天行痘瘡不出

按紅花下行血海宜入足厥陰而逐血潔古云苦溫為陰中之陽故又入手少陰而補血然長於行血欲其補血須少用或佐補劑

三稜味苦性平無毒入肺脾二經主行氣行血多年癥瘕如石

能消為水麩裏炒醋炒用

雷公藥性解卷三
按三稜爲血中氣藥脾裏血肺立氣宜並入焉蓋血隨氣上
氣聚則血不流故生癥癖之患非三稜不治然有斬關之勢
虛人忌之

蓬莪茂味苦辛性溫無毒入肺脾三經開胃消食破積聚行關
血療心疼除腹痛利水經主奔狇定霍亂下小兒食積

按蓬莪茂與三稜相似故經絡亦同但氣中血藥爲少異尔
性亦猛厲但能開氣不能益氣虛人禁之乃大全謂氣短不
能續者亦宜用之過矣卽大小七香丸集香丸都用以理氣
豈用以補氣乎欲其先入血則醋炒欲其先入氣則火炮三
稜亦然

雷公云

凡使於沙盆中用醋磨合盡然
後於火畔吸合乾重篩過用之

天麻味辛性平無毒入肝膀胱二經療大人風熱眩暈心小兒

驚悸風癩祛諸風麻痺不仁主癰瘡語言不遂利腰膝強筋力
活血脈通九竅利周身療癰腫濕紙裏煨川无畏忌苗名赤箭
主用療同

按天麻去風故入厥陰去濕故入膀胱真有風濕功效若神
癰腫之症濕生熱也宜亦治之赤箭用苗有自表入裏之功

天麻用根有自內達外之理不宜同劑反致无功

雷公云月使勿用銜風草與天麻相似只是葉不同其
銜風草根莖葉皆自有青點使銜風草根切勿使

天麻二件月用即令人有腸結所患修事天麻十兩用莖葉
子一鑑緩火熬煎熟後便先安置天麻十兩于甑中只用火

熬過莖葉子蓋內外再用三重紙蓋并繫從已至朱時又出
莖葉子再入熬炒有前天麻瓶內用炒莖葉子干中依前蓋

又隔一伏時取出如此七遍瓶盛出後用布拭上氣汗用
刀劈焙之細剉單搗然川銜風草修事法亦同天麻一般

南星味苦辛性平有毒入脾肺二經主中風牙關緊閉痰盛麻

痺下氣破堅積消癰腫利胸膈散血墮胎搗敷疥癬瘡毒并蛇

虫咬傷沸水泡七次以牛胆汁收其沫入胆久懸風處更佳畏
附子乾薑生姜

按肺受風邪脾多痰飲南星耑主風痰故並入二經味辛主
散所以消癰墮胎及療疥癬等疾大抵與半夏同功但半夏
辛而能守南星辛而不守其燥急之性甚于半夏故古方以
牛胆苦寒之性制其燥烈且胆又有益肝鎮驚之功小兒尤
爲要藥丹溪曰南星欲其下行以黃柏引之

秦艽味苦辛性微溫無毒入胃大小腸三經主骨蒸腸風瀉血
活筋血利大小便除風濕療黃疸解酒毒去頭風莖痛爲使羅
紋者佳

按秦艽苦則涌洩爲陰故入大小腸以療諸濕一則發散爲
陽故入陽明經以療諸風骨蒸之症亦濕勝風淫所致宜並

理之

雷公云

凡使秦并芫須於脚文處認取左文列為秦即治疾
丸即發脚氣凡用秦先以布拭上黃肉毛盡然後用

還元陽浸宿至
明出日乾用之

遠志味苦性温无毒入心腎二經補不足除邪氣益智慧明耳

目寧怔忡定驚悸利九竅治健忘壯陽道益精氣長肌肉助筋

骨及婦人血禁失音小兒驚風客忤皮膚熱而目黃久服悅顏

色延年甘草湯泡去心用得茯苓冬葵子龍骨良畏珍珠藜蘆

蚌蠔齊蛤忌猪肉生葱冷水殺天雄附子毒藥名小草主夢洩

按遠志苦入心經温能滋腎而不足等症咸本二經故都治

之

雷公云

遠志凡使先須洗去心若不去心服之令人悶
去心了用熟甘草湯浸一宿漉出曝乾用之

破故紙味苦辛性大温无毒入腎經主五勞七傷陽虛精滑腰

痛膝冷囊濕腎寒酒浸一宿水浸三日蒸用惡甘草忌羊肉羊血菜苔

按破故紙苦能堅腎且性大溫故喘走少陰然氣燥不宜多用命門有火及津枯者忌之

葫蘆巴味苦性溫無毒入腎膀胱二經得桃仁大茴療膀胱疝氣得硫黃黑附理腎臟虛寒

按葫蘆巴雖入腎與膀胱攷諸本經無佐使不能獨成功也何首烏味苦甘微溫無毒十二經絡所不收觀其藤夜交乃補陰之劑也消癰散癰腫療五痔止腸風烏鬚髮美容顏補勞瘦助精神長肌肉堅筋骨添精髓固腰膝除風溼明眼目及治婦人產後帶下諸血老年尤爲要藥久服令人多子延年去穢皮酒浸拌黑豆未蒸之水中復加黑豆及酒晒乾九次爲度

春夏採鮮者赤白合用兼補氣血茯苓爲使畏猪羊血無鱗魚
蘿蔔忌鉄器

按何首烏大能補益全在蒸晒如法大者剖開其中有烏獸
山嶽之形亦神物也傳云五十年如拳大號山奴服之一
年髭鬚青黑百年如碗大號山哥服之二年顏色紅悅一百五
十年如盆大號山伯服之一年齒落重生三百年如斗大號
山翁服之一年顏如童子行及奔馬三百年如栲栳大號山
精服之一年延齡益算純陽之體久服成仙邇來漸能用之
惜未能如法製之耳

骨碎補味苦性温无毒入腎經主折傷補骨碎去毒風疼痛固
齒牙療蝕瘡熬諸虫去毛細剉蜜拌蒸晒乾用

按骨碎補温而下行尚入腎家以理骨病齒者骨之餘也故

能固之又能煞虫者蓋以虫生干濕今能去毒風而虫之巢

穴搗矣豈能生耶

雷公云

凡使採得後先用銅刀刮去上黃赤毛盡便細切用蜜拌合門架柳甑蒸一口後出曝乾用文乾寧記云

去毛細切後用生蜜伴蒸從巳至亥照前曝乾搗一用炮猪腎空心吃治耳鳴亦能止諸雜痛

威靈仙味苦性温无毒入十二經主諸風宜通五臟去腹內冷

滯心胸痰水久積癥癖膀胱惡水腰膝冷疼兩足腫滿又癢折

傷忌麪及茶茗牛肉牛乳採時不聞流水聲鉄脚者佳

按威靈仙可升可降為陰中之陽故于經絡无所不入丹溪

云属水故於肝臟多功治痛風之要藥也其性好走多服疏

人五臟真氣然風注痛疼非此不除中病即已不宜多用

牛膝味苦酸性平无毒入腎經補精氣利腰膝填骨髓除腦漏

祛寒濕破血結通月經墮胎盈理膀胱氣化遲難陰中作痛欲

死去蘆酒浸一宿用惡龜用燈火陸英畏白前白蘇皮忌牛肉
按丹溪云牛膝引諸藥下行宜入足少陰經以理諸疾婦人
得之應歸血海故行血有功脾虛氣陷及腿膝濕腫者不宜
用之有二種土牛膝所稟薄故短而細主破血氣川牛膝所
稟厚故肥而長主補精髓竹木刺入肉塗之可出

雷公云

凡使去毒并塵土了用黃精自
然汁浸一宿漉出細剉焙乾用

黃精味甘性平無毒入脾肺二經補中益氣除風濕安五臟駐
顏色久服延年

按黃精甘宜入脾潤宜入肺久服方得其益實勝於根花勝
於實但難辨爾與鈎吻相似然鈎吻有毛鈎二個誤服殺人

雷公云

凡使勿用鈎吻真似黃精只是葉有毛子子二個是
則認處誤服害人黃精葉似竹葉凡採得以溪水洗

淨後蒸從巳至午
刀薄切晒乾用

蒲黃味苦性平無毒入肝經生用則性滑主行血通經墮胎消
關排膿利小便祛心腹膀胱熱炒用則性澀主止血除崩漏帶
下一切吐衄血痢血尿血腸風下血止精洩定兒枕痛忌見鉄
器宜隔紙焙黃蒸之再焙用

按蒲黃主血而肝藏血故獨入焉仙經用之亦以多功於血
耳

雷公云

凡使勿用松黃并黃蒿其二件全似只是味異及人
凡欲使蒲黃須隔三重紙焙令色黃蒸半日却焙

合乾用
之妙

續斷味苦辛性溫無毒入肝腎二經主傷寒不足折傷金瘡諸
癰腫治漏尿血益氣力續筋骨散諸血煖子宮療腰痛縮小便
止夢泄利關節調血和血生肌止痛酒浸一宿焙乾用地黃爲
使惡雷丸

按腎主骨而藏精肝主筋而藏血續斷補精血而理筋骨宜入此二經矣胎產之症尤為要藥

雷公云

凡使勿用草茄利真似續斷若誤服之令人筋軟授得後橫切剉之又去肉裏硬筋了用酒假一伏時培

用乾

益母草味辛甘性微寒无毒入諸陰經主行血養血安胎利產消浮腫惡毒疥瘡治頭風血虛目疾癰癬發痒堪作浴湯子名充蔚益精明目除水氣療血逆大熱頭痛心煩下腹中死胎理產後血脹

按益母本功治血故入諸陰之經行血而不傷新血養血而不滯關血所以為胎產聖藥又能消瘡腫者取其行血而且

辛甘發散也

肉蓯蓉味甘酸鹹性微温无毒入命門經興陽道益精髓補勞

雷公藥性論卷三
傷強筋骨主男子精泄尿血弱有遺瀝女子癥痛崩帶宮寒不
孕酒浸一宿去浮甲劈破中心去白膜蒸半日酥炙用潤而肥
大者佳

按菴蓉性溫爲濁中之濁故入命門而補火惟尺脉弱者宜
之相火旺者忌用多服令人大便滑

雷公云凡使先須清酒浸一宿至明以板刷上去沙土浮甲
盡劈破中心去白膜一重如竹絲草樣是此偏隔人

心前氣不散令人上氣不出凡使先用酒
浸并刷淨却蒸從午至酉出又用酥炙佳

鎖陽味甘鹹性溫無毒入腎經補陰虛固精髓潤大便燥結宜
酥炙用

按鎖陽鹹溫宜入少陰本經不載丹溪續補以其固精故有
鎖陽之名主用與菴蓉相似老人枯閉最爲要藥大便不實
者忌之

車前子味甘性寒无毒入肝膀胱小腸三經主淋瀝癰閉陰莖
腫痛濕瘡泄瀉赤白帶濁血閉痊難炒細研用常山爲使根葉
主金瘡功用同子

按車前子利水宜入足太陽陽行血宜人厥陰然逐水之劑
多損于日本草云明目者以其清肝熱如釜底抽薪非因洩
未之功也

紫苑味苦辛性温无毒入心肺二經主咳逆上氣痰喘吐衄補
虛勞安五臟水洗淨蜜炙用欸冬爲使惡天雄瞿麥雷九遠志
畏茵陳蒿紫色潤軟者佳

按紫苑苦能人心而泄上炎之火辛能人肺而散結滯之氣

行氣養血耑治血痰爲血癆要藥

雷公云

凡使先去髭有白練色者號曰羊鬚草自然不同採
得後去頭上了用東流水淘洗令淨用蜜浸一宿至

明於火上焙乾用凡
修一兩用蜜二分

百部味甘苦性微寒有小毒入肺經主肺熱咳逆傳屍骨蒸煞
疔疣寸白苦性及風竹刀劈開去心酒浸用

按百部崇療咳嗽宜入肺經而小毒故能煞虫也

雷公云凡採得後用竹刀劈破去心皮花作數十於簷下懸
合風吹待上乾後去用酒浸一宿漉出焙乾細制用

葱一顆自有八十三條者焙乾
號曰地仙苗若修事何之壽長

百合味甘性平无毒入心肺大小腸四經主鬼魅邪氣熱咳吐
血潤肺寧心定驚益志攻發背消癰腫除脹滿利二便

按百合性潤故入心肺諸經雖能補益亦傷肺氣不宜多服

欵冬花味苦辛性温无毒入心肺二經主中風喉痺肺痿肺癰
潤心肺止咳嗽除痰喘定驚悸洗肝明目杏仁為使得紫菀良

惡皂莢硝石玄參畏貝母辛夷麻黃黃芪黃芩黃連青箱

按欵冬辛甘發散為陽故人心肺以理痰嗽等症畏惡甚多

用者甚之

雷公云

凡採得須去向外裏花蕊殼并向裏宿如粟壳壳者并枝葉甘草水浸一宿待于燥碎纏煎兩件拌者菜

用了

馬兜鈴味苦性寒无毒入肺經主清肺除咳嗽痰喘治血痔漏

瘡根名青木香下毒甚速

按馬兜鈴專主手太陰經矣何以治痔漏之症也良以肺與

大腸相為表裡肺遺熱於大腸故有此症今清其表而裡病

自愈矣

雷公云

凡使採得後去葉并蔓了用生絹袋盛于東屋角畔懸合乾了劈作片取裏子去膈膜并令淨角子勿合

去革膜不盡用之并使

青黛味苦甘性寒无毒入肝脾二經除鬱火解熱毒止下痢煞

諸虫治小兒疳虫消瘦驚癇邪氣唇焦口渴上膈稠痰療傷寒
赤斑面黃鼻赤

按青黛色青屬木味甘屬土宜人厥陰大陰以理諸熱之症
甘菊味甘微苦性平无毒人肺脾肝腎四經能補陰氣明目聰
耳清頭風及胸中煩熱肌膚濕痺枸杞根桑白皮蒼白米爲使
按丹溪曰菊花屬金而有土與水大能補陰宜入肺肝等經
蓋煩熱諸症皆由水不定而火炎得此補陰則水盛而火自
息矣須用味甘者性苦苦者爲苦蕙大傷胃氣慎之

薏苡仁味甘微寒无毒人肺脾肝胃大腸五經利腸胃消水腫
祛風濕療脚氣治肺痿健脾胃

按薏苡仁總理濕熱故入上下五經蓋受熱使人筋攣受濕
使人筋緩者可用若受寒使人筋急者忌之勢力和緩須多

用見效

雷公云

凡使勿用慳米顆大无味其心米時人呼為梗慳是也若薏苡仁顆小色青味甘咬着粘人齒夫用一兩

以糯米一兩同熬合糯米熟去米取使若更以鹽湯煎之過別是一般修得

牡丹皮味辛苦性微温无毒入肝經治一切冷熱氣血凝滯吐

衄血瘀積血跌撲傷血產後惡血通月經除風痺催產難煨

絲子忌蒜

按丹皮主用无非辛温之功禹錫等言其治冷當矣本草白

性寒不亦誤耶夫肝為血舍丹皮乃血劑固宜人之本功端

主行血不能補血而東垣以此治元汗骨蒸六味丸及補心

丹皆用之蓋以血患火燥則枯患氣鬱則新者不生此劑苦

能瀉陰人辛能疏結氣故為血分要藥

雷公云凡採後後日乾用銅刀劈破去骨了細銼如人豆許用清酒浸蒸從巳至未出日晒乾用

兔絲子味甘辛性平无毒入腎經主男子腎虛精寒腰膝冷痛
莖中寒精自出溺有餘瀝鬼交泄精久服强陰堅骨駐顏明目
輕身令人多子酒浸五宿蒸熱杵作餅晒乾研用山藥松脂爲
使惡霍菌

按雷公云兔絲子稟受中和凝正陽氣故宜入補少陰温而
不燥不助相火至和至美之劑宜常用之

雷公云凡使勿用天碧草子其樣真相似只是天碧草子味

酸澁并粘不入藥用其兔絲子稟中和正陽之氣受

結偏補入衛氣助入筋脉一莖從樹感枝成又從使春上陽

結實其氣大小六七鎰二兩全採得去粗薄殼子用苦酒浸

二日曬出用黃精自然汁浸一宿至明微用火煎至乾天日

中熱燒鉄杵一去三千餘成份明苦酒并黃精自然汁與兔

絲子相對用之

茴香味辛甘性温无毒人心脾膀胱三經主一切臭氣腎臟虛
寒癩疔腫痛及蛇傷調中止嘔下氣寬胸又有一種小茴氣味

稍薄然治膀胱冷痛疝氣九奇

按茴香氣厚爲陽中之陽故入少陰太陰太陽以理虛寒諸症雖辛溫快脾亦能耗氣今內相都入煎燂油膩之物與火無異久則致疾深宜戒之

砂仁味辛性溫無毒入脾胃肺大小腸膀胱腎七經主虛寒瀉痢宿食不消腹痛心疼咳嗽腹滿奔豚霍亂轉筋祛冷逐痰安胎止吐下氣化酒食炒去衣研用

按砂仁爲行散之劑故入脾胃諸經性溫而不傷於熱行氣而不傷於剋太陰經要劑也宜常用之

白豆蔻味辛性溫無毒入肺脾胃三經主消寒痰下滯氣退口中翳止嘔吐開胃進食除冷瀉痢及腹痛心疼炒去衣研用白而圓滿者佳

按白豆蔻辛宜入肺溫為脾胃所喜故并入之大抵辛散之劑不能補益藥性稱其補上焦元氣恐无是理但不甚刻消耳世俗不察而信之誤人不小治寒氣神效肺胃中有火及虛者忌之

肉豆蔻味苦辛溫性溫無毒入肺胃二經療心腹脹痛卒成霍亂脾胃寒弱宿食不消虛冷瀉痢小兒傷乳吐瀉尤為要藥糯米粉裏煨忌見鐵器

以按肉蔻即肉菓辛溫之性宜入脾胃有未去之積者不可先

雷公云

凡使須以糯米作粉使熱湯搜裏豆蔻子糖灰中炮待米團子焦黃熟然後出去朱其中有子取用勿合

銅犯

豆蔻味辛性熱無毒入脾胃二經主風寒客邪在胃其餘與

白者同功而性尤燥急不及白蔻有清高之氣而不燥

按草蔻辛温發散故入脾胃而主風寒多食大損脾胃衍義

謂其虛弱不食者宜此恐非胃火者大忌

雷公云

凡使須去蒂并向裏子後取皮用茱萸同子鐵上煨炒待茱萸微黃黑即去茱萸取草豆蔻皮及子梓用

之

草菓味辛性温无毒入脾胃二經主瘧疾胸腹結滯嘔吐胃經

風

按草菓辛温發散與草蔻同功故經絡亦同多食亦損脾胃

虛弱及胃火者亦忌之

菖蒲味辛性温无毒入心脾膀胱三經主風寒濕痺欬逆上氣

鬼疰邪氣通九竅明耳目堅牙齒清聲音益心志除健忘止霍

亂開煩悶温心腹煞諸虫療惡瘡疥癬勿犯鉄器去根毛用秦

雷公藥性解卷三
皮秦朮為使惡地膽麻黃忌羊肉羊血飴糖生石土一寸九節者佳

按菖蒲通神明宜入心經祛風濕宜入肺與膀胱功驗雖宏然主散而不主收勿宜久用

雷公云

凡使勿用泥菖夏菖其二件相似如竹根鞭形黑氣穢味嚼不堪用凡使採石土生者根條嫩黃緊硬節

惜長一寸有九節者是真也採得後用鋼刀刮土黃黑硬節皮一重子用嫩桑枝條相拌蒸出膠乾去桑條判用

黑附子味辛甘性大熱有大毒通行諸經主六腑沉寒三陽厥逆癥堅積聚寒濕拘攣霍亂轉筋足膝无力墮胎甚速擇每隻重一兩者去皮臍以薑汁鹽水煮數沸又用黃連甘草童便合煮一時於午地上掘坑埋一宿取出團團晒乾用地胆為使惡蜈蚣畏人參甘草黃芪防風黑豆
按附子為陽中之陽其性浮而不沉其用走而不息故於經

絡靡所不入宜致墮胎祛癥積等症者辛甘大熱能補命門
衰敗之火以生脾土故仲景四逆湯用以回腎氣理中湯用
以補脾八味丸用以補腎脾譬如躁悍之將善用之奏功甚
捷不善用之爲害非輕丹溪以爲仲景取其行地黃之滯而
不能有補則古方用黑附一味可以回陽不補而能之乎丹
溪之言於理未當雖然彼或鑒誤用之弊有激而發尔如法
制之毒性盡去且今下行若廬冷陽脫但微炮之

天雄性味經絡功用與附子同主療頭面風去來疼痛遠志爲
使惡腐痺

按天雄卽附子之長而尖巔頂不正者其氣親上故潔古云
主上焦陽虛

烏頭性味經絡功用不同附子主中風惡風洗洗出肝莽草爲

使惡藜蘆反半夏瓜蒌貝母白蘖白芨

按烏頭即春間採附子之嫩少者一云原生苗腦

烏啄主男子腎濕陰瘁癰腫使反性味功用同前

按烏啄即烏頭之有兩岐者如烏之日攻名

側子主發散四肢為風癰藥

按側子即附子傍出小顆其氣輕揚故主發散

雷公云側子只是附子傍有小顆側子如棗核者是宜主用治風疹神妙也木螿子只是諸啄附雄側烏中毘德

者號曰木螿子不人藥用若服之令人喪目

射干味苦性微温有毒入肺肝脾三經主欬逆上氣咽喉諸症

開胃進食鎮肝明目消癰毒逐闕血通月經行積痰使結核自

消又肝經濕氣因疲勞而發便毒者取三寸與生姜同煎服利

兩三行效

按射干温能下氣行血宜入肺肝若能消痰宜入脾經久服

令人虛

雷公云

凡使先以米泔浸一宿漉出然後革竹葉煮從干至亥漉出日乾用之

旋覆花味鹹甘性温有小毒入肺肝大腸膀胱四經主結氣風

氣脇下滿膈上痰如膠滌利大腸逐水濕

按旋覆花耑理風氣水濕而肝主風脾主氣膀胱大腸主水

濕故均入之丹溪曰走散之藥病人涉虛者不宜多服

雷公云

凡探得後去初壳蓋皮并帝子花蓋蒸從巳至午晒乾用

大戟味苦甘性大寒有毒人十二經主水脹蠱毒癥結腹滿急

痛發汗利大小腸通月經墮胎孕小豆爲使惡山藥畏菖蒲反

甘草芫花海藻

按大戟陰中微陽逐十二經水能損真氣量虛實用之

雷公云凡使勿用附主者若服合洩氣不禁即用泥蒜子湯解去探得干塊砧上細剉與細剉海羊粟拌悉從已

至申去羊葉晒乾用之

商陸味酸辛性寒有毒人脾膀胱小腸三經主水脹蠱毒疝瘕

癰腫惡瘡墮胎孕

按商陸耑主逐水與大戟相似去水之為病由於膀胱小腸

不利而脾家之所深惡者也故成人之有赤白二種白者可

服赤者有神堪用貼腫誤服殺人

雷公云凡使勿用赤葛絲相似其赤葛抱壘有消筋骨之毒

也每修事先以鍋刀刮去粗皮小薄切以束疏水浸兩宿然後漉出架獸蒸以豆漿一重了與商陸一重如斯蒸從午至

亥出去豆葉晒乾了細剉用若无豆葉只用豆代之

葶藶味辛苦性寒有小毒人肺心脾膀胱四經主水腫結氣膀胱

留熱定肺氣之喘促療積飲之痰厥同糯米焙黃去米用榆

皮爲使惡蠶蚕燈草石龍芮

按葶藶辛走肺苦走心膀胱者肺所縮也脾土者心所生也故皆入之大傷肺氣滲泄下元用之不當殺人甚捷稍涉虛者忌之有甜苦二種苦者大猛劣甜者性少緩

雷公云凡使勿用赤鬚子真相似葶藶只是味微甘苦葶藶子入預苦凡使以糯米相合於燠土微微焙待米熟

去米單搗用

牽牛子味苦辛性寒有毒入大小腸二經主下氣通二便祛壅滯氣急退水腫消風毒治腰膝痛墮胎孕酒蒸去皮用

按牽牛子專主水氣故入大小腸經丹溪曰厲火善走有兩種黑者兼水白者兼金病形與症俱實者用之然驅逐致虛不脹滿不大便秘者勿用仲景治七種濕症及小便不利俱不用之何也蓋受濕之根在下焦是症分中氣病皆因上焦

虛弱不能氣化所致若復用辛辣之劑以瀉太陰之金危亡

立至矣可不謹乎

雷公云

草金零牽牛子是也凡使其藥秋未即有實冬收之凡用晒乾却入水中淘淨者去之取沉者晒乾用酒

蒸從巳至未晒乾臨用春去黑皮用

草薺味苦甘性平无毒入脾腎膀胱三經主風寒濕痺腰背痛
中風不遂遍身頑癩膀胱宿水陰痿失溺利水道益精明目意
苡爲使畏葵根大黃柴胡牡蠣忌牛肉

按草薺之入三經何也蓋腎受土剋則水臟既衰肝挾相火
而凌土濕脾主肌肉濕鬱肌腠則生熱生風以致榮衛不利
關節不利而草薺長於去水用之以滲脾濕則土安其位水
不受侮矣然失用令人小便多小便既多則腎氣安得復實
今多泥其入腎用爲補劑亦未深原其理耳

木通味辛甘性平无毒入小腸經主五淋小便閉經凝乳閉難
產積聚驚悸心煩健忘耳聾聲啞鼻塞癰瘡脾疽喜腫天行瘟
疫

按木通利便耑瀉小腸宜療五淋等症其驚悸等症雖屬心
經而心與小腸相爲表裏故並治之脾疽喜腫此脾之病皆
濕所釀也利小腸而濕不去平瘟疫之來感天地不正之氣
今受盛之官行而邪不能容亦宜療矣

通草味淡性寒无毒入肺大小腸三經與木通同功特瀉肺明
目退熱行經下乳通結力尤勝之

按通草色白宜其瀉肺味淡故入小腸性主通行故又入大
腸卽本草續註所謂通脫木今女工用以作花

懸明本草獻詩似晴雲想木令女工用也外芬

特設各名曰曰曰曰曰曰曰曰曰曰曰曰曰曰曰曰

目思

服原和

今受

然想顯出怪心

雖而心與小

遊本

效

宜靜

本我